

ers / Luftts / Wassers / vnd der Erde / vnd welches
ches dan dienet zu verstehen / die Krafft der Nat
... / vnd was ein jegliches Element sey / Ist
nemlich das Feuer ein subtiler Luftt / der Luftt
ein subtil Wasser / vnd das Wasser ein subtile
Erde / vnd die Erde ein grob Feuer / wie auß
unsern vorgehenden Exempeln gnug mag ver
standen werden. Dann die Erde durch des
Feuers krafft / oder purification der Nat
tur entbunden / verändert sich in Wasser / wirdt
salsig / vnd ein Krafft der Erden / wie wir in der
calcination klärlich befinden : Das Saltz /
durch Feuer entbunden / wirdt verändert in
Wasser / welches die distillation der Aq. fort.
uns gnug lehret: Darnach das Wasser durchs
Feuer entbunden / wirdt verändert in Luftt /
vnd der Luftt in Feuer / wie oben angezeiget /
also wirdt die grobe tuncckele Erde verändert in
das subtilste / durchscheinend / glantzend / vnd
durchdringend Feuer / welches alles durch
dringt vnd clarificiert / vnd das ander durch
dringend vnd clarificierend macht.

Daß 10. Cap.

Drumb müssen wir verstehen / daß auch also
so / was auß den Elementen geschaffen ist /
clarificiert wirdt / es sey Minerale, Animale,
oder Vegetabile. Dann so wir etwas von
benz